

## 「港人遷台」傳聞解釋不停

香港人「[移民台灣](#)」新聞炒得火熱，特區政府早前已澄清，媒體將因為讀書、工作而申請逗留數字，同申請定居嘅數字混為一談，話無多咗港人[移民台灣](#)。噶日台北經濟文化辦事處舉行茶敘，負責搞簽證嘅首席副組長盧正雄人氣最高，皆因唔少記者包圍佢追問「港人移民潮」一事，Emily 企喺度10 多分鐘，盧正雄至少回答同一條問題3 次，真係佩服佢嘅耐性。

根據台灣內政部入出國及移民署資料，截至今年10月，港澳居民申請去台灣定居嘅人數為529，而去年全年人數為711，前年人數為540。盧正雄估計，今年全年嘅數字與去年差不多，都係700 人左右。睇番數字，過去10 年[移民台灣](#)嘅人數每年約500，對上一次[移民台灣](#)熱潮係1993 年至2000 年期間，每年有1000 至近1700 人不等，據現有資料單年最多港人[移民台灣](#)係1991 年，有3703 人。